



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Locorum co[m]munium Ioannis Eckij,
aduersus Lutheru[m] & alios hostes Ecclesiae**

Eck, Johannes

Antverpiae, 1541

30 De baptismo puerorum.

urn:nbn:de:hbz:466:1-35599

tum dicitur, non certe in vino, sed in meo sanguine, non enim est testamentū sine sanguine. Vide Paulum ad Hebræos nono.

Psal. 108

Attende quomodo hæretici moti sunt sicut ebrius, & omnis sapientia eorū deuorata est. Oecolampadius anno. M. D. 24. mense Julio indignabatur sanguinem Christi denegatum fidelibus in synaxi & anno nondum euoluto ipse cum complicibus hæreticis denegat fidelibus, & corpus & sanguinem Christi. Similiter Zuinglius, Carlostadius postquam tantum incendium de sacramento sufflauit, iam palinodiam cecinit, nō proposuisse se ista ut credenda, neq; ista fore asserta ex spiritu, aut sacris literis, sed certius indaganda ex proprio capite ab eo esse proposita. Vide quomodo stultus ut luna mutatur. Eccle. 27

DE BAPTISMO
puerorum. XXX.

X 5 Hoc

DE BAPTISMO

Gen. 17

HOc est pactū meū quod obseruabitis inter me & vos &c. Infans octo dierū circūcidetur in vobis &c. Masculus cuius præputij caro circuncisa nō fuerit, delebitur anima illa de populo suo, quia pactū meū irritum fecit. Modo hoc videtur baptismus in ecclesia, quod circuncisio in synagoga. Sicut enim per circuncisionem paruuli Iudæorum includuntur cum pacto diuino, sic & paruuli Christianorum non sunt excludendi à pacto dei, quare pueri sunt baptizandi, contra rebaptizatores, & puer nō baptizatus damnatur lege communi, cōtra Zuinglium, qui dum vnam heresim rebaptizatorū vellet destruere, alias decem docet deteriores, contra expressas scripturas.

Mar. 10

Sinite paruulos venire ad me & ne prohibueritis eos, taliū est enim regnum dei &c. & complexans eos & imponens manus super illos, benedi

ne dicebat eos: male faciunt ergo re-
baptizatores, prohibentes pueros per
baptismum venire ad Christum.

Baptizate omnes gentes, ergo etiam Mat. vlt.
am paruulos.

Quonia patres nostri omnes sub 1. Cor. 10
nube fuerunt, & omnes baptizati
sunt in mari & nube. Certum autem
est, quod etiam paruuli fuerunt sub
nube, & ita figuraliter baptizati.

Baptismus non est reiterabilis si- Heb. 6
ne sacrilegio, vnde Paulus. Impossi-
bile est eos qui semel sunt illumina-
ti, gustauerunt etiam donum cele-
ste &c. & prolapsi sunt, rursus reno-
uari ad penitentiam. Non negat rei-
terationem penitentiae vt Nouatiana,
sed renouationis, i. Baptismi.

Accedit vsus & autoritas totius
ecclesiae ab ipso Apostolorum tem-
pore, cui merito omnes filij deuoti
debent parere.

Dionysius de ecclesiastica hierar- Dio. c. 7
chia, quum dixisset pueros qui nec
X 4 dum

DE BAPTISMO

dum possent intelligere diuina, fa-
cri baptismatis fieri participes, sub
dit, Istud cum pijsimis ducibus no-
stris (ita solet appellare apostolos)
in mētē venisset, visum est admitte-
re infantes hoc modo, vt naturales
oblatis paruuli, parentes puerū vni
ex fidelibus tradant præclaro diui-
narum rerum magistro, in hunc præ-
sul spondentem puerum iuxta san-
ctam educatam vitam requirit, vt
abrenūciationē profiteatur, fidemq̄
fateatur. Ecce pueros baptizatos ab
Apostolis sub sponsione patrimorū
Cyprianus & totum concilium
Aphricanum ad Fidum, qui opina-
batur pueros intra secundum & ter-
tium diem constitutos, non debere
baptizari. Respondet Cyprianus:
Longe aliud in concilio nostro om-
nibus visum est, in hoc enim quod
tu putabas faciendum, nemo cōsen-
sit, sed vniuersi iudicauimus nulli
hominum nato misericordiam dei
& gra

& gratiam denegandam.

Origenes, super epistola ad Romanos.

August. super Gen. li. 10. c. 23. Con-
suetudo matris ecclesie in baptizan-
dis paruulis nequaquam spernenda
est, neque vlllo modo superflua depu-
tanda, nec omnino credenda, nisi apo-
stolica esse traditio. Egit hanc caus-
sam duobus libris ad Marcellinum,
sub titulo, de peccatorum meritis &
remissione, hos libros vidit Hiero-
nymus, & laudauit.

Hieronymus libro tertio aduer-
sus Pelagianos affirmat paruulos
baptizari, vt eis peccata in baptis-
mate dimittantur.

Primus parabaptista fuit Agrip-
pinus Chartagineus.

Concilium Mileuitanum contra
Pelagianos hæreticos canone. 77.

Item placuit, vt quicumq; paruulos
recetes ab vteris matrum baptizan-
dos negat, aut dicit in remissionem

Tres hære-
tici anathe-
matizantur

X. 5 qui-

DE BAPTISMO

quidem peccatorum eos baptizari, sed nihil ex Adam trahere originalis peccati, quod lauachro regenerationis expietur, vnde fit consequens, vt in eis forma baptismatis in remissionem peccatorum non vera, sed falsa intelligatur, anathema sit: hic à sacro cōcilio anathemate percutitur Baldasar Hiebmair cum suis rebaptizatoribus, negantes baptismū paruulorum.

2 Ipse Zuinglius, qui negat peccatum originale in pueris. Ideo non deletur in baptismo, vnde volens hæresim de pueris non baptizandis destruere, decem alias affert hæreses quarū & illa vna est, pueros catholicorum &c. nō baptizatos saluari, adde Augustinū vbi supra capite. 339 similiter Hieronymum.

3 Tertio quidem nouellus hæreticus Eberhardus Vniedense Canonicius regularis, apostata Halberstatiē, qui concedit quidem peccatum ori-

Originale, tamē ait incertum an puer baptizatus moriēs saluetur, quia nescimus an recipiat fidem, & sic, si non recipiat fidē remanet filius iræ damnationis, Ecce in quot capita scinduntur hæretici, contra Apostolum. Non idipsum dicentes omnes. Ratio id euincit in fide fundata, habent enim peccatum originale aliena præuaricatione contractum, cur ergo pater misericordiarum dominus non instituisset eis remedium, vt & aliena voluntate cooperāte sanaretur. Quod autem peccatum contrahant pueri, liquet ex Augustino & Hieronymo, vbi supra contra heresem Pelagianorū, & probatur, Ecce em̄ in iniquitatibus conceptus sum, & in peccatis concepit me mater mea. Erasmus natura filij iræ sicut & cæteri. Omnes enim peccauerunt & egent gloria dei. Sicut per vnum hominem peccatum in hunc mundum intravit, & per peccatum mors,

1. Cor. 2

Psal. 50

Eph. 2

Rom. 3

Rom. 3

mors,

DE BAPTISMO

mors, & ita in oēs homines mors pertransiit, in quo omnes peccauerunt, hic Apostolus dicit in quo omnes peccauerūt, & Pelagiani & Zuin-
glius audent dicere, paruulos non peccasse.

In quinta synodo Constantinopoli fuerunt dānati Parabaptistae Zozara Syrus monachus, Seuerus Antiochenus, Pet. Antiochenus, Antymus Trapezuntius, Petrus Apamarum,

Rom. 5 Et infra: Si in vnius delicto mors regnauit per vnum, multo magis abundantiam gratiæ & donationis & iustitiæ accipientes in vita regnabunt (etiam paruuli in Christo regenerati) per vnum Iesum Christum. Et infra: Sicut per inobediētiā vnius hominis peccatores cōstituti sunt multi, &c.

2. Cor. 12 Gratias ago Deo meo, quod neminem vestrum baptizauī nisi Crispum & Caium, ne quis dicat quod in nomine meo baptizati sitis. Ba-
ptiza-

baptizauit autem & Stephanę domum
 Si totam domum baptizauit, ergo
 & paruulos huius domus.

Sicut in adam omnes moriuntur **1. Cor. 15**
 (etiam paruuli) ita & in Christo om-
 nes uiuificabuntur, etiam paruuli.
 Hoc autem nõ nisi per baptismum, **Rom. 6**
 per quem Christo incorporantur.

Contra rebaptizatores, pro ba-
 ptismo puerorum Oecolampadius
 argutatur.

1 Rebaptizatores cõtēnūt vsum
 Christianæ communitatis.

2 Inductiua est illa sentētia secta-
 rum schismatum & seditionum.

3 Quis ita docuit hactenus, aut
 quis cõsuetudinē hanc obseruauit?

4 Quando tamē inceptum est in
 ecclesia pueros baptizari, si aliquā-
 do non baptizabantur?

5 Si pueri non sint baptizādī, hoc
 probent prohibitum ex scripturis.

6 A tempore Apostolorum bap-
 tismus non fuit prohibitus pueris.

Vultis

DE BAPTISMO

7 Vultis tot centena millia baptizatorum infantium nō acceptare pro Christianis fratribus?

8 Zuinglius inuehitur in eos quod non obrinebunt victoriam, quia etiam ante mille annos hoc attentantes succubuerunt.

9 Indignatur eorum nouitati. Si eo res progressa esset, inquit, quod quodlibet caput obliquum (quamprimū aliquid noui & rari in phantasia veniret) mox sectam adhaerentem excitaret, tot futurae essent sectae, & schismata, vt Christus in multa partiretur. Et infra: Quodlibet caput melancholicum, Saturnium, & singulare nititur propriae sectam erigere.

10 Licet baptismus puerorum non sit clarus ex scripturis sacris, sicut & alia multa, tamen quia non sunt contra deum: sed cum deo, ideo suscipienda.

Antithesis

Hæc recensuimus, vt intelligant catho-

catholici, quomodo heretici neque-
unt se defendere contra hæreticos,
nisi armis ecclesiæ, Nam quod Cy-
priani Augustini & concilium
Mileuitanum inducunt, quãdo Ca-
tholici id facerent, clamant patres
patres, Ponamus rem ante oculos.

1 Et Luther & Oecolampadius re-
ijciunt vsum ecclesiæ in baptismo,
& missa, & omnibus.

2 Et hæresis Lutheri multas iam
protulit sectas, & seditiones tam
cruetas, quales nõ sensit antea Ger-
mania, Vnde plus q̃ centena millia
hominum periere.

3 Quis ita docuit, vt lingua Ger-
manica baptizaretis? vt sacerdos
Zuingl, vxorẽ duceret? & Oeclam-
padius votum ac ordinem reiiceret
apostata?

4 Si aliquando non fuit Quadra-
gesima in ecclesia, quando ergo in-
cepit? aut si olim non erat confes-
sio ecclesiastica (quam auricularẽ
vocant).

DE BAPTISMO

vocant) quando incepit?

5 Probant heretici, Nō exorcizandum puerum, non habendos patrimonios, Matrimonium non esse sacramentum, confessionem non faciendam sacerdoti, & mille huiusmodi, quæ prohibent, probēt inquam prohibita in scripturis.

6 A tempore Apostolorum nō fuit prohibitus cœlibatus, benedictio cereorum &c.

7 Vultis tot centena millia confitētium, in missa offerentiū, eucharistiam adorantium, vota religionis seruantium, non acceptare pro catholicis, angustissima erit via ad Christum.

8 Nectū obtinebis victoriam contra imagines sanctorum, contra eorum reliquias, contra peccatum originale, quia Feliciani, Heluidiani, Pelagiani ante mille annos hoc attemptantes succubuerunt.

9 Indignantur omnes catholici super

per tot heresum nouitate, quod quilibet pro suo capite mutat, & cōfundit missam, baptismum, communionem, & omnia officia ecclesiæ.

Dolent catholici permitti hereticis, tot sectarum nouitates, sunt Lutherani, Carlostatini, Zuingliani, Oecolampadij, Rebaptizatores, Catharnaitæ.

Cur ergo Luther, Billicanus Carlstat, & tu ipse, nihil admittebatis, nisi quod claris scripturis sacris probaretur. Existimantes validum esse argumentum in theologia. At non legitur, ergo non est, cur iam traditiones hominum capessitis, quæ vertigo cerebrum vestrum dementauit? Vbi est Zuinglij argumentū cornutum, tui fratris Baldasaris Fridbergers? Supra titulo. 16.

¶ Obijciunt heretici.

I Euntes in mundum vniuersum, prædicate euangelium omni creaturæ, qui crediderit & baptizatus fuerit,

Mat. vii.

Z rix,

DE BAPTISMO

rit saluus erit, ergo soli credētes baptizandi.

Mat. vlt. 2 Euntes docete omnes gentes, baptizantes eos in nomine patris & filij & spiritus sancti, docētes eos seruire omnia quæcunque mandauit vobis.

Act. 8 3 Eunuchus annunciabatur prius

Act. 10 Euangeliū antequam baptizaretur similiter Cornelio.

4 Cur duntaxat ter baptizabāt in anno antiquitus, si pueri nati mox baptizandi sunt?

5 Nicolaus papa incepit baptizare pueros, sed scriptura baptismū pueros ignorat.

¶ Respondent catholici

De primo & secundo Christus loquitur de adultis, tam apud Marcum quam Matthæum.

Notent tamen Lutherani ex verbis Christi non sufficere, credere & baptizari, sed oportere seruire omnia quæ mandauit Christus.

Docentur etiam & credunt paruuli
Iim

li in ecclesia saluatoris per alios, si-
cut ex alijs quæ in baptismo remit-
tuntur peccata traxerunt. Idem Ma-
ter ecclesia, os maternum paruulis
prebet, vt sacris mysterijs imbuatur
quia nõdum possunt corde proprio
credere ad iustitiã, nec ore proprio
confiteri ad salutem. Si autem pro-
pterea recte fideles vocantur, quo-
niã fidem per verba gestantiũ quo-
dammodo profitentur, quur etiam
non pœnitentes habeantur quũ per
eorundem verba gestantium, diabo-
lo & huic sæculo abrenũciare mon-
strentur. Hæc ille. Cuius as signatur
ratio, quia regeneratio spiritualis,
est quodammodo similis natiuitati
carnali, quantum ad hoc quod sicut
pueri in maternis vteris constitu-
ti, non per seipso nutrimentum ac-
cipiunt, sed ex nutrimento matris
sustentantur: ita etiam pueri non-
dum habentes vsum rationis, quasi
in vtero matris Ecclesiæ constituti,

Aug. ad Be-
nifa.

De conf. d. 3
4. c. Mater.

Rom. 10

Z : non

DE BAPTISMO

non per seipfos, sed per actum ecclesie salutē suscipiunt. Et ita fides aliena, puta ecclesia parentum, & patrimonum offerentium paruulos ad baptismum sufficit eis ad salutem, sicut fides offerentium paralyticum quorum fidem videns Iesus, ait illi: Confide fili, remittuntur tibi peccata tua. Ita fides Cēturionis obtinuit puero salutem. Et fides mulieris Cananæ impetrauit filie suæ à demonio possessæ liberationem &c.

Mat. 9.

Mat. 18.

Mat. 15

De tertio, Eunuchus fuit adultus, & similiter Cornelius.

De quarto, Illud fuit pro adultis, nō pro pueris, & bis tantū fiebat solennis baptismus adultorū in Pascha, & Penthecoste. Non ter, vt Oecolampadius somniat, velut ex Siritio, Leone Gelasio & Gerundinensi concilio liquet.

Non esse Nicolai pape inuentum, ex Hieronymo, Augustino, & Cyrillo liquet, qui 400 aut 600 annis Nicolaum

laum præcesserunt. Nulla vidi scri-
pta rebaptizatorum, audio esse plæ-
runq; homines indoctos, temerarios
& qui Latinam linguam non cal-
leant, vno dempto Balthasare Hieb-
mair Fridbergerio, qui narratur esse
author huius perditæ sectæ, is dum
communione sedis apostolicæ ha-
beret, doctoratus honore fungeba-
tur. Det ei deus vt possit lumen cer-
nere verum.

Cōbustus
est Viennæ
1528.

DE LIBERO AR-
bitrio. XXXI.

HÆretici hic resuscitauerūt
olim extinctā heresim Mani-
chei, primo quidē negarunt
liberum arbitriū se habere actiue ad
bonū opus, quia illud totū & totali-
ter fieret à deo, dein Luther infanus
factus, negauit omnino liberū arbi-
trium, quia omnia de necessitate ab-
soluta eueniunt, quod olim stupidi
Stoici, Empedocles, Critolaus, Dio-
dorus, & alij errantes dixerunt.

Hereticorū
insania.

Z 3

Dixit